

## Liturgie Dialectdienst 7 maart 2021 Vroomshoop

Dominee: Mevr. Ria Dekker-Averesch

Solist: Albert Wessels

Organist: Jan Labrijn

Vertaling: Thea Kroese

De dienst is voorbereid door de Streektaaldienst commissie

Thema van de dienst is: 'Wat 'n schoap'

### **Welkom en ofkondigingen**

#### **Intochtspalm: Psalm 100 'Juich Gode toe, bazuin en zing'**

Zingt noe veur God en maak meziek  
Kom dichterbij, doe het geliek  
De aarde en alle meansen doar  
bint van de Heer zo stoat ze kloar

Roep uut met bliedschap  
Hij maakten oons, Hij is oons lot  
Wi-j bint zien volk, Hij past op oons  
as 'n herder die zien schoapen weidt.

Komt noe mar binnen deur de poort  
Hier stiet zien troon, hier woont zien woord.  
Zingt hier veur God een erelied:  
Zo mist wi-j God zien zegen niet.

Want God is ja onmeunig goed,  
die oons in vrede wonen döt.  
Zien goedheid is as morgendauw  
en steeds opni-j ziet wi-j zien trouw.

#### **Wi-j bidt zachies veur oonszölf**

#### **Mooi dat ieluu luustert en...moed hoalden!**

#### **Psalm 84/opwekking 715 'Wat houd ik van Uw huis' door de solist**

God wi-j hoaldt van Oen huus  
o Heer die doarboven regeert  
Zo geern wil ik doar ok bi-j ween  
En lopen doar woar le ok loopt  
Diep in mien hart schreeuwt het um Oe.  
Een blievende schreeuw um de levende God.

De vogels bint doar thuus  
o Heer die doar boven regeert  
Zo nestelt de zwaluw ok doar

Heel dicht in de buurte van God.  
Wonen bi-j Oe is een zegen  
Een blievende kaans um te zingen veur Oe.

Wat mooi toch al die luu  
Die vol verlangen op weg bint.  
Zölfs as zi-j deankt: " 't Zöt d'r niet uut",  
ziet zi-j zo bli-j vruchtbaar geluk.  
en goat zi-j de weg van de zeeng'n,  
noar God die verschient in zien heilige stad.

Luuster en kiek noar mi-j,  
o Heer die doar boven regeert.  
Liever ien dag dichte bi-j Oe  
dan duzend dagen zonder Oe.  
Liever bi-j Oe veur de deure  
dan binnen te ween in een duustere tent.

En God alleen gef rust  
Eer en geluk komt uut Zien haand.  
Hij hef nooit liefde of e pakt  
van meansen gleuvig onderweg.  
O Heer die doar boven regeert,  
gelukkig bint zi-j die toch trouw blijft an Oe.

Wat hoaldt wi-j van Oen huus!

### **Zo beliedt wi-j oons geleuf**

#### **Lied 413: 1, 3 'Grote God wij loven U'**

Grote God wi-j looft Oe noe.  
Ie bint ja de allerstarkste.  
Iederiene bög veur Oe  
en kek priezend noar Oen warken  
Zo a'J waren deur de tied  
dat veraandert ieuwig niet.

Heer ontfarm Oe over oons  
sluut oons vaste in Oen armen.  
Stort Oen zegen over oons.  
Wi'j in liefde oons verwarmen?  
Ieuwig blef Oen trouw bestoan.  
Loat oons niet verleuren goan.

### **Stille ween**

### **Biebellezingen**

#### Johannes 10:22-30

Ondertussen wörden in Jeruzalem het feest van de inwi-jding van de tempel e- vierd. Jezus leup in de tempel deur de zöalengaang van Salomo. De Jeuden kwamen doar um Hum hen stoan en ze vreugen

Hum: "Hoe lange loat ie oons nog in het ongewisse? As ie de Messias bint zeg dat oons dan rondoot." Jezus antwoordde: "Dat he'k oe al e- zegd, mar ie geleuft het niet. Alles wa'k doe in de naam van mien Vader, dat getuugt van mi-j, mar ie wilt mi-j niet geleuen, omdat ieluu niet bi-j mien schoopen heurt. Mien schoopen luustert noar mien stem, ik kenne ze en ze volgt mi-j. Ik geve ze "t ieuwige leven en ze zult nooit verleuen goan en gieniene zal ze uut mien haanden vuttrekken. Wat mien Vader mi-j hef e-geven is het beste wat d'r is, gieniene kan het uut de haand van mien Vader vuttrekken. Ikke en de Vader, wi-j bint één.

#### Openbaring 7: 9-17

Doarnea zag ik dit: een grote koppel volk, doar was gien tellen an. Uut alle laanden en volken, van alle stammen en talen. Met witte kleren an en met palmtakken in de haand stunden ze veur de troon en veur 't Lam. En ze reupen gloepens hard: "'t Behoald komt van oonze God die op de troon zit en van 't Lam." Alle englen stunden um de troon en um de vier oaldsten en um de vier wezens hen. Ze beugen zich diepe veur de troon en knielden veur God en zeaden: "Amen, de lofpriezing, wiesheid, eer en macht en kracht komt God toe, töt in ieuwigheid, amen."

Iene van de oaldsten sprak mi-j an: "Wie bint dat doar in 't wit en woar komt ze vut?" Ik antwoordde: "Dat wee'j wel Heer, dat bint die luu die uut de grote verschrikkingen e-kommen bint. Ze hebt heur kleren e-wassen met het bloed van het Lam. Doaromme stoat ze veur Gods troon en bint ze dag en nacht in zien tempel um Hum te vereren. En Hij die op de troon zit zal bi-j heur wonen. Dan hebt ze gien honger meer en gien dörst . De zonne stek heur niet meer en ze zult nooit meer last hebben van welke hitte dan ok. Want het Lam middenveur de troon zal op heur passen en heur een pad wiezen noar de bronnen van het leven. God zal heur alle troanen uut de ogen vut wrieven.

#### **Lied 23b: 1, 2 en 5 'De Heer is mijn Herder' door de solist**

De Heer is mien Herder  
dat döt mi-j zo goed.  
Hij zal mi-j wel leiden  
noar mooi grune weiden.  
Hij brengt mi-j bi-j 't water  
zo as herders doet.

De Heer is mien Herder  
Hij stiet aaltied kloar.  
Hij brengt mi-j op wegen  
van goedheid en zegen  
Hij grep mi-j a'k valle  
A'k struuk'le is E doar.

De Heer is mien Herder  
an Hum blief ik trouw.  
'k Wil aaltied wel blieven  
In ' huis van mien Here.  
Hij hef mi-j zien zegen  
en höaldt van dit kind.

#### **Preke**

#### **Lied 726: 1, 3 en 5 'Hoor een heilig koor van stemmen' door de solist**

Heur, een heilig koor van stemmen,  
Stoande an een glazen zee.

Halleluja, halleluja.  
Glorie, glorie zingt ze dan  
't Bint d'r veule, niet te tellen  
as van sterren is heur glaans  
psalmen zingt ze, palmen draagt ze.  
In de hemel wordt e daanst.

Och wat bint ze slecht behandeld.  
Toch as sni-j zo wit de klee'r'n  
Wit e maakt in 't bloed van Christus  
Dat hebt wi-j wel mutten leer'n,  
mar noe stoat ze doar standvastig  
al mar wachtend op hun Heer.  
Overwunnen is de satan  
en de wearld nemt een keer.

Noe umstraalt heur hemels zunlicht  
en de levensbron ontspringt  
woar ze jubelt God ter ere  
woar heur koor oen glorie zingt.  
Vrede is d'r noe veur eeuwig  
en de liefde giet nooit vut.  
Uut het duuster noar de hemel,  
Veilig veur Gods angezicht.

### **Gebed um te daanken**

### **Collecte**

### **Leste lied: Opwekking 44 'Geprezen zij de Heer, die eeuwig leeft'**

Wi-j zingt noe saam'n veur God die eeuwig leeft  
Die vol ontferming alman treust  
en al de scheuld vergef.  
Die al wat noe op aard"gebeurt in haanden hef.

Hij kreg de glorie, want Hij die overwun  
zal nooit verloaten wat zien hand begun.  
Halleluja, wi-j priest dan ok het Lam  
dat de schuld der wearld op zich nam.

Vut is noe dan de schaduw van de nacht  
en wie noar Hum luust'ren zal  
wordt ja vaste thuus e bracht.  
Veur hum geldt ok dat woonder: alles is vvolbracht.

Hij kreg de glorie, want Hij die overwun  
zal nooit verloaten wat zien hand begun.  
Halleluja, wi-j priest dan ok het Lam,  
dat de schuld der wearld op zich nam.

Hij leg oons alles uut in stralend licht,

dat uutstraalt van het kruus  
dat ooit veur oons wörd'n op e richt  
en dan ziet wi-j verheugd een hemels vergezicht.

Hij kreg de glorie,want Hij die overwun  
zal nooit verloaten wat zien haand begun.  
Halleluja, wi-j priest dan ok het Lam  
dat de schuld der wearld op zich nam.  
Halleluja, wi-j priest dan ok het Lam  
dat de schuld der wearld op zich nam.

**Goa met God en met zien zegen**